



2025-2

12. september 2025

All. nr./notatnr.:

2022-323-0010-27

Sull./sagsbeh.: HB/kl

**Ombudsmandimit Kommune Qeqertalik qinnuigineqarpoq  
suliami sulisup soraarsinneqarnerani nutaamik aalajangiissu-  
teqaqqullugu**

*Kommunip sulisoq A soraarsippaa, qaammatini arlalinni, kommunip paasinnin-  
nera malillugu, pineqartup sulinerminut atatillugu tiiminut allattuiffimminut  
amerlanaaraluni nalunaarutiginnittarsimaneranut atatillugu.*

*B, A sinnerlugu kommunip soraarsitsinera pillugu ombudsmandimut naam-  
magittaalliuteqarpoq. Tamatumalu kingunerisaanik ombudsmandi suliami mi-  
sissuineramik aallartitsivoq.*

*Sulisumik soraarsitsineq sioqqullugu kommune illua´tungiusup isumaanik  
tusarniaavoq, kisiannilu kommunip isumaa malillugu, kukkusumik tiimile-  
rsuisimanermi ullut aalajangersimasut marluinnaat oqaatigineqarlutik. Oqaa-  
tigineqartut sulisumit assortorneqarput oqaatigaalu ulluni pineqartuni  
sulisimalluni, taamaakkaluartorlu tamanna kommunip aalajangiinermini  
isummerfigisimanngilaa.*

*Kommunip isumaa malillugu, tiimit allattuiffianut amerlanaaraluni sulisup  
nalunaarutigisimasai ullut pineqartut, kommunip aalajangiinerani ersersinne-  
qanngillat. Tamatumunnga atatillugu ombudsmandimit oqaatigineqarpoq,  
aalajangiiner-mini pissutsit pingaarutillit kommunip ilanngutissagai, tama-  
tumani ilaatinneqassallutik, kommunip isumaa malillugu, tiimit amerlanaar-  
lugit nalunaarutigineqartut ulluisa oqaatiginissaat. Tamatuma saniatigut  
kommunimit qulakkeerneqassaaq aalajangiinermi*

*uppernarsaasiissutigineqarlutik tunngavigineqartut sulisumut  
ilisimatitsissutigineqarnissaat.*

*Tamatuma saniatigut ombudsmandimit oqaatigineqarpoq, soraarsitsineq pillugu kommunip aalajangiinermini pissutsit aalajangersimasut pingaartissimagunigit, taava pissutsit pineqartut erseqqissaavigineqassapput qularnarunnaarsinneqarlutillu.*

*Ombudsmandip paasinninnera malillugu, illua'tungiusup isumaanik tusarniaareernermi, tusarniaaneq pillugu oqaaseqaammi pingaartinneqartut isummerfigeqqaarlugit, kommune aalajangiissinnaavoq.*

*Ombudsmandip paasinninnera malillugu, tusarniaanermi akissut tiguneqartoq tusaatissatuinnaq tigussallugu naammangilaq. Ombudsmandip paasinninnera malillugu, paasissutissat tiguneqarsimasut aalajangiinermini ilanngunnissaat miniinnarsinnaanngillat, tamatumunngalu atatillugu kommunip naliliinera paasissutissiissutigalugu.*

*Ombudsmandip paasinninnera unaavoq, suliap sularineqarnerani kommune annertuumik kukkussuteqarsimasoq, inatsit atuuttoq naapertorlugu illua'tungiusumik tusarniaaffiginninnginnermigut, aammalu kommunip aalajangiinermini tunngavilersuineramik ilaqartitsinnginnera, suliassat sularineqar-tarnerat pillugu inatsisip piumasaqaataanik naammassinniffiusumik.*

*Ombudsmandip paasinninnera unaavoq, illua'tungiusumik tusarniaanermi pigineqartut naapertorlugit aalajangernertaa ersarluttoq, suliallu suna tunngavigerpiarneraa, taamaammallu suliaq taamatut inerineqartoq.*

*Ombudsmandimit inassutigineqarpoq, suliaq kommunimit qaqeqqinneqassasoq nutaamillu aalajangiiffigalugu.*

*(ombudsmandip oqaaseqaataa af 12. september 2025-meersoq, 2022-323-0010)*

Ombudsmandip oqaaseqaataa:

## **Tamatumunnga imatut oqaaseqaateqarpunga:**

### **1. Suut misissorsimavakka?**

**1.1** Suliamik suliaqarninni peersitsinermi aalajangiinermut atatillugu pisortat ingerlatsineranni suliassat suliarineqartarnerat pillugu inatsisip malittarisassartai kommunimit malinneqarsimanersut, tamatumunnga ilanngullugu A-mik peersitsinermut aalajangiinermi tunngavigineqartoq eqqarsaatigalugu, kiisalu inatsisitigut aalajangersagaanngitsumi annertusisamik illua ´tungiusup isumaanik tusarniaasussaatitaaneq malinneqarsimanersoq isummerfiginiarlugit aalajangerpunga.

Oqaatigissavara, matumani oqaaseqaammi, ingerlatsineq pillugu inatsiseqartitsinermi atsikkutigiissaarinermi periuseq naapertorlugu, aammalu allamik tunngaveqarluni A-p angerlarsimaffimmi suliffianiit kommuni soraarsitsisinnaanersoq isummerfiginnginnakkit.

Taamatuttaa A-p aamma kommunip akornanni sulinermi tiiminut allattuivinnut allattuisarneq pillugu isumaqatigiinngissutit, aammalu qanoq annertutigisumik A-p tiiminik amerlanaaraluni allattuisarsimanera pillugit isummerfiginiarnagit aalaja-ngersimagama.

Tamatumani oqaatigissavara, naammagittaalliutinik sulianik suliaqartarnera tunngaviatigut malittarisassatigut tamatigut allakkatigoortarmat, taamaattumillu nalinginnaasumik tusarniaallunga apersuinissannut periarfissaqarneq ajorlunga. Taamaalillunga uppersaatissanik nalilersuisinnaaninnik periarfissaqanngilanga.

Tamatumani Inatsisartut Ombudsmandiat pillugu Inatsisartut inatsisaanni nr. 7-imi, 1. juni 2017-imeersumi § 14, imm. 1-iat innersuussutigaa, tassuunalu aalajangersarneqarpoq naammagittaalliut misissuineramik aallartitsinermut pissutigissallugu naammannersoq ombudsmandip aalajangissagaa.

**1.2.** Ajornartorsiutinik taamaattunik siusinnerusukkut nammineq suliarinnissimangikkaangama Qallunaat Nunaanni atuakkiaasimasut aamma Folketingip Ombudsmandiata periaasia oqaaseqaatinni arlalitsigut aallaavigisarpakka. Kalaallit Nunaanni inatsiseqartitsinikkut tunngaviup Qallunaallu Nunaanni inatsiseqartitsinikkut tunngaviup pingaarnerusutigut assigiinnerat tamatumunnga pissutaavoq. Kalaallit Nunaanni inatsiseqartitsinikkut tunngavik Qallunaat Nunaanni inatsiseqartitsinikkut tunngavimmit allaasoq isumaqaraangama taman-na oqaatigisarpara.

Oqaaseqaatiga imatut tulleriinnilersorneqarpoq:

- Immikkoortoq 2: Suliaq pillugu naatsumik oqaatigisassat
- Immikkoortoq 3: Inatsiseqartitsinikkut tunngavigisaq
- Immikkoortoq 4: Kommunip oqaaseqaataa
- Immikkoortoq 5: Uanga naliliinera
- Immikkoortoq 6: Inerniliineq

Oqaatigissavara suliaq ingerlasimanerata allaaserineqarnera oqaaseqaatima tullerimmagu.

## **2. Suliaq pillugu naatsumik oqaatigisassat**

23. november 2021-mi kommunimi INUIT-pisortaanit, angerlarsimaffimmi tullersorti, immikkoortortamilu aqutsisoq attavigineqarput, tassa kommunip akis-sarsialerivianit A qaangiuttoornernik 62,5 tiiminik allattuisimammat.

24. november 2021-mi angerlarsimaffimmi tullersorti qanimut misissuereerluni, INUIT pisortaanut uterfiginnippoq. Tassani tullersortip ullut assigiinngitsut arlallit oqaatigivai, tullersorti immikkoortortamilu aqutsisup isumaat malillugu, A-mit tiiminut allattuivimmi kommunip paasinninnera malillugu, eqqortumik pisassanit annertunerusut allattorneqarsimasut.

25. november 2021-mi A sulinermut atatillugu ataatsimiinnissamut aggersarneqarpoq, kinguneranillu suliuinnaarsinneqarluni.

Ulloq taanna A aamma INUIT-pisortaat allaffigeqatigiipput, tassani INUIT pisortaanit ilaatigut oqaatigineqarluni, pissutsit pillugit misissuinerup nalaani A 9. december 2021-p tungaanut ullut 14-it angerlartitaasoq.

9. december 2021-mi A suliamut oqaaseqaataagallartumik nassiussivoq. Ulloq taanna A sulinermut atatillugu 13. december 2021-mi oqaloqatiginninnissamut kommunimit aggersarneqarpoq. Napparsimasoqarnera pequtigalugu oqaloqatigiinneq aatsaat 16. december 2021-mi ingerlanneqarpoq.

13. december aamma 15. december 2021-mi A oqaaseqaatinik allanik kommunimut nassitsivoq.

16. december 2021-mi sulinermut atatillugu oqaloqatigiinnermi, A illua ´tungiusup isumaanik tusarniaassummik tunineqarpoq, kingusinnerpaamik 30. december 2021-mi akissuteqarnissaminut piffissalikkamik.

29. december 2021-mi A illua ´tungiusutut isummamik tusarniutaasumut akissutiminik kommunimut nassiussivoq. Kommune 30. december 2021-mi peersitsinissamik aalajangiissuteqarpoq.

15. januar 2022-mi A sinnerlugu B peersitsineq pillugu uannut naammagittaalliuteqarpoq.

### **3. Inatsiseqartitsinikkut tunngavigisaq**

#### **3.1 Peersitsinermi illua ´tungiusup isumaanik tusarniaaneq**

Pisortat ingerlatsineranni suliassat suliarineqartarnerat pillugu Inatsisartut inatsisaanni nr. 8-mi, 13. juni 1994-imeersumi kingusinnerusukkut allannguuteqartinneqartumi (matuma kingorna suliassat suliarineqartarnerat pillugu inatsit) § 19-ikkut aalajangersarneqarpoq, oqartussaasoq suliame aalajangiinnginnermini suliame illua´tungiusup isumaanik tusarniaanissamut pisussaaffeqartoq. Suliame illua´tungiusup isumaanik inatsisikkut aalajangersagaasumik tusarniaasussaa-titaaneq oqartussaasup nammineq sulisui eqqarsaatigalugit atorfinititsisarneq pillugu inatsiseqartitsineq tungavigalugu iliuitsinut aalajangersimasunut aamma

atuuppoq. Peersitsineq pisortat ingerlatsineranni suliassat suliarineqartarnerat pillugu inatsimmi aalajangiinermik oqartarnertut aalajangiineruvoq, taamaattu- millu suliame illua'tungiusup isumaanik tusarniaasarneq pillugu malittarisassat sulianut peersitsineranut tunngasunut aamma atuupput.

Suliami illua'tungiusup aalajangiissamaarnermut pissusiviusutigut tunngaviu- sunik ilisimasaqalernissaminut taakkulu pillugit oqaaseqaateqarnissaminut oqar- tussaasup aalajangiinnginnerani periarfissinneqarnissaa suliami illua'tungiusup isumaanik tusarniaanerup siunertaraa. Taamaalilluni peersitsiniarnermi tusarni- aavigineqartup iliuusianut peersitsiniarnermilu aalajangiussaasup ataqatigiin- nerannik paasinninnissaa siunertaalluni. Tusarniaavigineqartoq taamaalilluni suliamut nammineq isummaminik saqqummiussisinnaanissaminut periarfissin- neqassaaq ilaatigullu paatsuunganarsinnaasunut, eqqoqqissaanngitsunut ima- luunniit tamakkiisuunngitsunut naqqiissuteqarsinnaalluni.

Taamatuttaaq tusarniaavigineqarpoq oqartussaasup suliami isumaanik erseqqis- sumik paasinnissinnaaneq oqartussaasumullu illuatungiliuttutut imminut illersor- sinnaassaaq. Illua 'tungiusup isumaanik tusarniutaasoq aamma oqartussaasumit paasissutissanik tunngaviliisuussaaq qulakkeerinnissallunilu, oqartussaasup eqqortumik paasissutissallu eqqortut tunngavigalugit aalajangiinissaanut. Taamaalilluni illua 'tungiusup isumaanik tusarniaaneq pillugu malittarisassatigut, innuttaasup ingerlatsivinnut tatiginninnissaanut nukittorsaataassaaq.

Suliami illua'tungiusup isumaanik tusarniaasussaataaneq pisortat ingerlatsine- ranni suliassat suliarineqartarnerat pillugu inatsimmi § 19, imm. 1 tunngavi- galugu atuuttarpoq oqartussaasup suliami pissusiviusut pillugit paasissutissanik aalajangersimasunik pigisaqarnera suliami illua'tungiusup ilisimanngisaanik, paasissutissat taakku suliami illua'tungiusumut nanertuutaappata – oqar- tussaasullu paasissutissanik pineqartunik pigisaqarnera suliami illua'tungiusup ilisimassagaa ilimagineqarsinnaanngippat.

Atorfinitsitsisarneq pillugu inatsiseqartitsinermi iliuutsinut aalajangersimasunut, matumani peersitsisoqarnissaanik aalajangiineq ilanngullugu eqqarsaatigalugu, suliassat suliarineqartarnerat pillugu inatsimmi § 19-imi suliami illua'tungiusup

isumaanik tusarniaasussaaneq pillugu ataatsimut malittarisassaq suliami illua'tungiusup isumaanik annertusisamik tusarniaasussaaneq pillugu malittarisassamik inatsisikkut aalajangersagaanngitsumik tapertalerneqartarpoq.

Tassuuna aalajangersarneqarpoq suliami illua'tungiusoq suliami pissusiviusut pillugit tusarniaanerup saniatigut suliap inatsiseqartitsinikkut uppersaasiussatigullu tunngavii pillugit aamma tusarniaavigineqassasoq. Taamaalilluni suliami illua'tungiusoq aalajangiinermut tunngaviusut tamarmiusut pillugit isummaanik tusarniaavigineqassaaq, paasissutissat pineqartut oqartussaasup pigigai paasissutissallu pineqartut oqartussaasup aalajangiinissaanut tunngaviusunut ilaasut suliami illua'tungiusup nalunngereeraluarpaguluunniit.

Annertusisamik tusarniaasussaataaneq suliami pineqartumut atuunnersoq naliliinermi, pissutsit oqartussaasup qisuariarfigisai, naalasseriitsuliornerunersut imaluunniit nalimmassaanermik siunertaqarluni periaaseqarluni naliliinerunersoq immikkoortinneqassapput.

Nalimmassaanermik siunertaqarluni periaaseqarluni suliami naliliinerit tassaapput, pissutsimut atorfeqartoq toqqaannartumik avoqqaarineqarsin-naanani, qisuariaatitut toqqakkap taamatullu soraarsitsinermik kinguneqartitsissutaasoq ilaatigut sipaarniarnerit, suleqatigiinnermi ajornartorsiutit, imaluunniit pineqartuq atorfigisami atorsinnaanngippat.

Illua'tungaanili naalasseriitsuliornermi pissutsit tassaapput, oqartussaasup suli-sumut pineqartumut assuarliuteqarfigisinnaasai, assersuutigalugu sullivimmit tilinneq imaluunniit nipangiussisussaataaneq pillugu unioqqutitsineq.

Taamaattumik oqartussaasup atorfeqartitaasumut pineqaatissiissutiginiakkatut eqqarsaatigineqartumut tunngaviusoq pillugu tusarniummik allakkiortussaati-taavoq. Suliami illua'tungiusup isumaanik tusarniaalluni allakkat makkuningga imaqaassapput:

- pissutsit oqartussaasup pingaartitatut isiginiagai,
- oqartussaasup suliamik paasinninnerigallagaa,

- uppersaatitigut naliiisoqarsimappat naliliinerit,
- oqartussaasup suliami inatsiseqartitsinikkut apeqqutit pillugit isumaa, matumani inatsisini malittarisassat suut atussamaarneqarnerat, taak-kualu suliamut pineqartumut qanoq attuumassuteqarneri ilanngullugit.

Suliami illua´tungiusup isumaanik tusarniaanermut tunngaviusup eqqortuunissaa aamma tamakkiisuunissaa oqartussaasup qulakkiissallugu pisussaaffigaa. Tamatuma malitsigivaa, oqartussaasup illua´tungiusup isumaanik tusarniaanermi qulakkiissammagit, pissutsit soraarsitsinermi tunngavilersuutigineqartut qularsaataangitsumik erseqqissaatigineqassamata ilimanarnerulersinneqarlutillu. Taamaattumik pissutsit aallaavigalugit, pissutsit piffissalernerneqarsinnaasut sumiissusilerneqarsinnaasullu innersuussutigineqassapput.

Illua´tungiusup isumaanik tusarniaasarneq pillugu piumasaqaatit siusinnerusukut isummerfigisinnaasimavakka. Tassunga tunngatillugu suliat 2018-2, 2021-2, 2022-5 aamma 2023-3, tamarmik nittartakkanni [www.ombudsmand.gl](http://www.ombudsmand.gl)-imi takuneqarsinnaasut innersuussutigaaakka. Atuakkiaq "Suliani sulisunut tunngasuni suliami illua´tungiusup isumaanik tusarniaasarneq", 2013-imi ukiumut nalunaarusianni immikkoortoq 3.3-mi atuarneqarsinnaasooq aammattaaq innersuussutigaaara.

Taamatuttaa saqqummiunniukuusara 2015-5.1 innersuussutigaaara, oqartussaasup sulisumik illua´tingiusup isumaanik tusarniaaffiginerani soraarsitsineq pitinagu suleqatigiinnermi ajornartorsiuteqarneranik tikkuaanera, pisimasunik aalajangersimasunik, sulisumilluunniit aalajangersimasumik taasaqarani, taarsiulluguli nalinginnaasumik qulliunerusumilli isigalugu sulisup pissusilersuutaa assuaralugu. Suliami tamatumani oqartussaasooq isornartorsiorpara, naliliinera naapertorlugi, illua´tungiusup isumaanik tusarniaaneq taanna, naammattumik annertussusilimmik pissutsit soraarsitsissutaasutut tunngavilersuutigineqartut erseqqissaassutigineqarsimanngimmata.

Taamatuttaa Oluf Emborgip aamma Peer Schaumburg-Müllerip atuakkiaat, Offentlig arbejdsret, aappasaanik saqqummersinneqartoq (2010-meersoq),

qupperneq 51-52, aamma Niels Fengerip atuakkiaa, Forvaltningsret, saqqummersitaq siulleg (2018-imeersoq), qupperneq 590-592 innersuussutigaa.

### **3.2 Illua´tungiusup isumaanik tusarniaanginnerup imaluunniit amigartumik tusarniaassuteqarnerup inatsisitigut kingunerisai**

Suliami illua´tungiusup isumaanik tusarniaaneq naammattumik ersarissuseqanngippat tusarniaasoqanngivippalluunniit, suliami illua´tungiusup isumaanik tusarniaanerup siunertaa eqqortinneqanngitsoorluni, innuttaasoq isornartorsitigineqartunik isummerfiginninnissaminut periarfissaqassanngilaq taamalu suliami illua´tungiusup isumaanik tusarniaanermut sukumiisumik akissuteqarnissaminut periarfissaqassanani.

Illua´tungiusup isumaanik tusarniaaneq pisimangippat imaluunniit amigarsimappat, tamatuma kingunerisinnaavaa, kukkusumik aalajangiineq, assersuutigalugu aalajangiinermi tunngavigineqartup naammanginneranik. Taamaattumik illua´tungiusup isumaanik tusarniaaneq aamma taaneqarpoq qularnaveeqqusiullugu malittarisassatut – imaappoq, malittarisassa qulakkeerinneqataassaaq aalajangiinermi inatsisit malinneqarneranik eqqortuuneranillu.

Oqartussaasoq sulisumik illua´tungiusup isumaanik tusarniaaffiginnissimangippat imaluunniit ilaannakortumik tusarniaasimappat, tamatumalu kingornatigut oqartussaasumit paasineqarpat, aalajangiineq pitinnagu oqartussaasoq illua´tungiusup isumaanik tusarniaasimasussaagaluartoq, oqartussaasup illua´tungiusup isumaanik tusarniaasimanginnerup nassatarisassai isumaliutersuutigisariaqarpai. Tamatumunnga atatillugu oqartussaasumut periarfissaalisaaq kukkunerup iluarsiiiffiqarnissaa suliap suliareqqillugu qaqeqqinneratigut.

Illua´tungiusup isumaanik tusarniaanermi malittarisassat malinneqanngippata, imaluunniit illua´tungiusup isumaanik tusarniaasoqarsimangippat, ilimagineqartariaqarpoq, aalajangiinermi illua´tungiusup isumaanik tusarniaaffiginnissimanginnerup tamatumunnga sunnuteqarnissaa, taamaalillunilu atorsinnaasanani.

Oqartussaasulli aalajangiineq suliami illua´tungiusup isumaanik tusarniaanerpup eqqortumik ingerlanneqarneratigut allatut inerniliivigineqarnaviangitsoq uppernarsarsinnaappagu, illua´tungiusup isumaanik tusarniaannginneq, imaluunniit illua´tungiusup isumaanik amigartumik tusarniaasimaneq, suliami atorsinnaangitsutut inerniliissutaassanngilaq.

Inatsiseqartitsinermi periaasiusup malitsigivaa, aalajangersimasunik aamma eqqoqqissaartunik malittarisassaqaanngimmat, qanoq qularnaatsigisumik uppernarsaatit oqartussaasumit saqqummiunneqassanersut, aalajangiinermi eqqartuussinertigut najoqqussat malillugit, qanoq sukumiitigisumik tusarniaasimanninnerup illuatungiusumut kingunerluutaanngitsumik aalajangiisoqarsimanageranik uppernarsiisussaneq sukumiissusilerneqarsimannngilaq. Siusinnerusumut naleqqiullugu ullumikkut imaalersimavoq, tamatumunnga atatillugu oqartussaasup tungaanut annikinnerusumik piunasaqaateqartalersimaneq.

Taamaalilluni Eqqartuussiviit Qullersaata suliani arlalinni, illua´tungiusup isumaanik amigartumik tusarniaasoqarsimappat imaluunniit tusarniaasoqarsimannngivissortillugu, suliami aalajangiineq atorsinnaangitsutut oqaatigineq ajorpaa, eqqartuussivik isumaqarpat tunngavimmigut aalajangiineq eqqortuusoq.

Eqqartuussiviit Qullersaata eqqartuussutaa UfR 2003.1660 H aamma Vestre Landsretsip eqqartuussutaa UfR 2004-904 V tamatumunnga atatillugu innersuussutigaakka.

Pingaartinneqarpoq illua´tungiusup isumaanik tusarniaanermi amigaatigineqartoq qarsupippallaarsimangersoq tamannalu ersarippallaarnersoq, imaluunniit illua´tungiusup isumaanik tusarniaanermi, suliat suliarineqartarnerat pillugu inatsisip § 19-iata aamma, inatsisikkut aalajangigaanngitsuni, immikkoortukkaaqqissaarlugit piunasaqaatit, illuatungiusup isumaanik annertusisamik tusarniaasussaatitaanermi tusarniaanermi malinneqarsimangersut. Illua´tungiusumummi tusarniaaneq tassaammat, eqqortumik aalajangiisoqarnissaanik saku qulakkeerinnittusaaq. Taamaalilluni pingaartinneqarsinnaavoq, ilumut illua´tungiusup isumaanik tusarniaassuteqaannginneq taasarialimmik pingaarute-

qarnersoq, illua´tungiusup pisumik paasinninneranut aamma aalajangiinermi tunngavigineqartumik sunniinissamut periarfissaqarneranut.

Soraarsitsilluni suliami naliliisoqarpat, oqartussaasup sulisitsisup, illua´tungiusup isumaanik tusarniaasimannginnerup kingunerisaanik atorsinnaanngitsutut naliiffigineqarluni, tamatuma kingunerinavianngilaa atorfeqartitaanermi pissutsit atuutiinnarnerannik, kisiannili pissutsit aallaavigalugit kinguneqartitsissutaa-sinnaavoq annaasamut taartisiaqarnissamik imaluunniit taarsiiffigineqarnissamik piumasaqarneq.

Niels Fengerip atuakkiaani "Forvaltningsret"-imi (2018-imeersumi) quppernerit 598-imit 602-mut innersuussutigaaq.

Folketingip Ombudsmandiata ukiumoortumik oqaaseqaataa FOB 2021-14 aammattaaq innersuussutigaaq.

### **3.3 Peersitsinissamik aalajangiinermi tunngaviit**

Tunngavigissassatut malittarisassat suliat suliarineqartarnerat pillugu inatsimmi §§ 22-mi aamma 24-mi ersersinneqarput, imatullu oqaasertaqarput:

**"§ 22.** Aalajangiineq allakkatigut nalunaartutigineqaruni aalajangiinermut tunngaviusumik ilaqartinneqassaaq, suliami peqataasumut tassunga tapersiisuulluinnanngikkuni.

[...]

**§ 24.** Aalajangiinermut tunngaviusumik nalunnaarummi innersuussutigineqassapput inatsisini maleruaqqusat aalajangiinermi tunngavigineqartut. Maleruaqqusat tamakku malillugit aalajangiineq oqartussaasuni sulisut isumaannik tunngaveqarpat tunngaviusumik nalunnaarummi taaneqassapputtaaq pissutaassut pingaarnerusut isummat tamakkua atornerannut aalajangiisuunerusut.

*Stk.2.* Tunngaviusumik nalunnaarummi pisariaqarpat naatsumik erseqqissarneqassapputtaaq paasissutissat suliami pissusiviusunut tunngasut aalajangiinermi anner-tuumik pingaartinneqartut.

*Imm.3.* [...]"

Suliat suliarineqartarnerat pillugu inatsisip oqaaseqaatitaanit ilaatigut makku erserput:

“Tunngaviusoq nassuiaataassaaq aalajangiinerup sooq taama ima qarneranut.

Tunngaviusup, aalajangigaq pillugu nalunaarutigineqartussap, oqartussaasunit qanoq erseqqissarneqarluartigisariaqarnera eqqoqqissaartumik allaaserineq ajornarpoq.

Akissutissap qanoq ittuunissaanut ilaatigut aalajangiisuusariaqarpoq suliami peqataasup akineqartussap suliap suliarineqarnerani suliallu pissusianut qanoq suleqataaluartigisimanera. Taamaattumik aalajangersakkani killilerneqarput aalajangiinermut tunngaviusumi nalunaarummi ilanngunneqartussat.

[...]

[§ 24,] imm. 2 malillugu tunngaviusumik nalunaarummi pisariaqarpat naatsumik erseqqissarneqassapputtaa paasissutissat suliami pissusiviusunut tunngasut, aalajangiinermi annertuumik pingaartinneqartut. Oqartussaasut suliami piviusuviit pillugit isumaat qanoq annertutigisumik erseqqissartariaqarnerasoq isummerfigissagaanni ilaatigut paaseqqaartariaqarpoq tamanna isumaqatigiinngissutaasimanneginnersoq, soorlu suliamut tunngasunik ilisimatinneqarnissaminik qinnuteqaatimi siusinnerusukut akuerineqarneranut atasumik.”

Inatsiseqartitsinikkut innarlitsaaliinissat, suliat suliarineqartarnerat pillugu inatsisip tunngavilersuineri malittarisassaani tunngavigineqartoq tassaavoq, aalajangiinermi paasissutissat suminngaaneersuunerisa qularineqannginnissaat.

Inatsisilerinermi atuakkiani qularutigineqanngilaq, apeqqummut, suliami pissutsit piviusut nalunaarutigineqartut qanoq peqqissaarunneqartigissanersut, tassani ilaatigut, suliami tunngavigineqartup katitigaanera imaluunniit nalorninartuunera, aammalu illua’ tungiusumit ilisarineqarsinnaanera apeqqutaavoq. Suliani, pissutsit piviusut assortuussutaappata, oqartussaasoq tassunga isigininnerminut aamma paasissutissat tunngavilersuummut atorneqartut aammattaaq nassuiaassutigisariaqarpai.

Tassunga atatillugu suliaq 2009-5.4, nittartakkanni atuarneqarsinnaasoq inner-suussutigaaara. Tassannga ersersinneqarpoq:

“Taamaalilluni A-p kommunillu suliami pissusissaviusumik saqqummiussineri imminut naapertuutinngillat

Oqaatigaara suliaq siuliarineqartarnerat pillugu inatsit § 24-mi aalajangiinernik tunngavilersuisarneq pillugu piumasaqaatinik imaattunik ima qartoq:

[...]

Suliami paasissutissat assortuussutigineqarpata § 24, imm. 2-mi tunngavilersuissaatitaaneq pillugu aalajangersakkami ilaavoq paasissutissat pigineqartut ilaat

sorliit suliap aalajangiivigineqarnerani isiginiarneqarsimanagerat oqartussaasup erseq-qinnerusumik nassuiaassagaa.

Taamaattumik isumaqarpunga kommuni aalajangiinermi piffissat suliffiusut pillugit malittarisassat pikkorissarnermi peqataanissamut akornutaanerannik A-p atortusaatitsiniarnera kommunip sooq isiginiarsimanngikkaa nassuiaateqannginermigut ajuusaarnartumik kukkussuteqarsimasooq [...] ”

Tamatuma saniatigut innersuussutigaa imm. 9-mi oqartussaasunut ilitser-suutinni tunngavilersuineq pillugu, tassani pingaartumik immikkoortoq 9.1 pis-sutsit pillugit, tunngavilersuisussaataitanermik annertusaasooq.

Suliani suliffeqarneq pillugu inatsiseqartitsinermi malittarisassani piunasaqaat-inut tunngasut isummerfigereernikuuakka. Tassunga atatillugu ilaatigut suliaq 2018-2, nittartakkanni [www.ombudsmand.gl](http://www.ombudsmand.gl)-imi atuarneqarsinnaasooq inner-suussutigaa.

Tamatuma saniatigut Sten Bønsingip atuakkaa, Forvaltningsret – Lærebog for statskundskab (2016-imeersoq), qup. 263, Karsten Revsbech allallu atuakkaa, Forvaltningsret – sagsbehandling, arfineq-aappasaanik naqitaq (2014-imi) qup. 313 aamma Steen Rønsholdt, Forvaltningsret – Retssikkerhed, proces, sagsbe-handling, aappasaanik naqitaq (2006-imeersoq), qup. 152 innersuussutigaaakka.

Taamatuttaaq Folketingip Ombudsmandiata nalunaarutaani tak. assersuutigaa-lugu 1990-imi ukiumoortumik nalunaarusiami qup. 359-imi aamma 2007-imut ukiumut nalunaarummi qup. 607-imi isummersuutit assingusut innersuussuti-gaakka.

#### **4. Kommunip isumaa**

Allakkatigut 15. marts 2023-meersutigut ilaatigut kommune qinnuigaara suliap suliarineqarnerata ilaani assigiinngitsut paasissutissiissutigeqqullugit. Tassunga atatillugu makkua apeqqutigaaakka:

”2.3. Kommune Qeqertalik qinnuigaara, paasissutissat A-mit tiguneqartut kommunip isumaa malillugu kommunimit isummerfigineqarsimasut kommunimut isummerfigeq-qullugu.

Kommune tamatumunnga peqatigitillugu qinnuigaara paasissutissat tiguneqartut kommunip inaarutaasumik aalajangiinerani ilanngunneqarsimanninnerannut peqqu-  
taasoq paasissutissiissutigeqqullugu.”

[...]

”4.3. Kommune Qeqertalik qinnuigaara, suliami illua´tungiusup isumaanik allakkatigut tusarniaaneq aamma aalajangiineq, suliani naalasseriitsuliorneq pissutigalugu pine-  
qaatissiisarnermut tunngasuni suliami illua´tungiusup isumaanik tusarniaanissamut annertusisamik pisussaaffeqarneq pillugu tunngavimmik inatsisikkut aalajangersa-  
gaanngitsumik eqqortitsisuunersut isummerfigeqqullugu.”

Kommunip uannut oqaaseqaataani 24. april 2023-meersumi kommune ilaa-  
tigut ima paasissutissiivoq:

**”Imm. 2.1/2.2/2.3/**

Aalajangiineq pillugu allakkani 30. december 2021-mik ulloqartumi allaqqavoq suliamut nalunaarutit tiguneqarsimasut. Taamatuttaaq illua´tungiusup isumaanik tusarniaanermi A-p nalunaarutaa 16. december 2021-meersoq tiguneqartsimasoq. Paasissutissiissutit tiguneqartut ataatsimut naliliinermi ilanngunneqarput allakkatigulli aalajangiinermi erseqqissumik allassimanani.

Allagaatinit 12. aamma 24. oktober 2021-mik ulloqartuni suliartoqquneqarnermi tiimit allassimasuni, tullersortimit immikkoortortamilu aqutsisumit 25. oktober 2021-mi atsiorneqarsimavoq akissarsialerivimmullu tunniunneqarluni.

Tiimit taakkua A-p oqaaseqaataanut/aamma sap. ak. 45-46-mi tiiminut allattuivimmut 23. november 2021-mi pilersinneqarsimasut nalunaarsorneqarsimasut A-p paasissutissiissutaanut naapertuutinnginnerat tullersortaasumit immikkoortortamilu aqutsisumit eqqumaffigeqquneqarpoq.

Immikkoortortami aqutsisoq aamma tullersortaasoq naapertorlugu 24. oktober 2021-mi A sulisimangilaq. Taamatuttaaq 12. oktober 2021-mi. Angerlarsimaffiup logbogiani ullut taakkua sulianut allanut koloniturmik nassuiarneqarput, kiisalu sulisutut nalunaarsorsimanani. Ulloq 12. oktober 2021-mi A sulisimangitsutut illuatungit sinniisumit/forständerimit logbogimut allanneqarsimavoq.”

**”Imm 4.**

Suu, illua´tungiusumik tusarniaassuteqarpoq kiisalu aalajangiissuteqarluni.

[...]”

Allakkatigut 29. juni 2023-meersutigut kommune oqaaseqaammut ilassummik qinnuigaara, ilaatigut imaattunik apeqquteqarlunga:

”3.3. Kommune Qeqertalik qinnuigaara, kommunip isumaa malillugu sippuilluni tiimit allanneqarsimasuni ullut marluk kisimik pineqarmata, A-mit ullut taaneqartut isummerfigineqarsinnaasimanersut.

Tamatuma saniatigut kommune qinnuigaara, kommunip isumaa malillugu pissutsit piviusut, aalajangiinissamut pingaaruteqarluinnartunut tunngatillugu kommune isumaqarnersoq paasissutissat pisariaqartinneqartut nalunaarutigineqarsimanersut.

[...]

Peqatigitillugu kommune qinnuigaara, kommunip isumaa malillugu, tiiminut allattuivimmut A-p sippuilluni ullut suut allassimanerai isummerfigeqqullugu.”

Kommunip ilassutitut oqaaseqaataani 25. juli 2023-meersumi ilaatigut kommunimit makku oqaatigineqarput:

”[...]

Immikkoortumut akissut:

### **Imm. 3**

Allagaatini 12. okt. aamma 24. okt-mik ullulernerqarsimasuni suliartoqqusaasimanermut akunnerit allanneqarsimasut, tullersortimit aqutsisumiillu atsiorneqarsimallutik 25. oktober 2021-mi akissarsialerivimmut ingerlateqqinneqarsimapput. Akunnerit pineqartut tullersortip aqutsisullu taakkorpiaasut suliamik misissuereernermi erseqqissaatigaat akunnerit pineqartut A-p oqaaseqaataanut/tiiminut allattuiffimmut allassimasaanut naleqqiullugit eqqunngitsutut paasinarsisimasoq akunnermusiat sap. ak. 45-46 tungaanut 23. nov. 21 suliarinerisa aalartinnerani.

A ullut pineqartut pillugit ilisimatinneqarpoq.

Aqutsisoq tullersortilu malilluigit, A 24. okt. 21 sulisimangilaq, angerlarsimaffik sulisullu ilaat asiartutik angalaarsimammata, kiisalu 12. okt aamma sulisimangilaq angerlarsimaffiup sulisut takkunnerinik nalunaarsuiffimmi takkussimasutut allanneqarsimangimmat. 12. okt. 2021-mi Illua´tungiliuttoq/forstander sulisut takkunnerinik nalunaarsuiffimmi allassimammata A sulinngitsoq.

[...]”

## **5. Uanga naliliinera**

### **5.1. Illua´tungiusup isumaanik tusarniaaneq**

**5.1.1** Paasinninnera unaavoq, A suliffimminit peersinneqarsimasoq kommune isumaqarmat, qaammatini kingullerni A-mit tiiminut allattuivimmi, kommunip paasinninnera malillugu, pisassanit annertunerusut allattorneqarsimasutut.

Tamanna tunngavigalugu naliliinerivara, kommunip A-mik peersitsinera naalas-seriitsuliornerusq.

Taamaattumik isumaga malillugu kommune pisussaaffeqarpoq, A-mik illua´tungiusup isumaanik annertusisamik tusarniaasussaataaneq malillugu tusarniaaffiginnittussaataasoq aalajangiineq pitinnagu, tamannalu inatsisitigut aalajangersagaanngitsumik tunngaveqarpoq, suliat suliarineqartarnerat pillugu inatsisip malittarisassartaannut tapertaliussaasumik.

**5.1.2** Ulloq 9. december 2021-mi A sulinermut atatillugu allakkatigut ataatsimiigiaqqussummik tigusaqarpoq. Ulloq taanna taassuma tigusimaneranut A atsiormigut uppersaavoq.

Sulinermut atatillugu oqaloqatigiinnissamut aggersaassummi 9. aamma 15. december 2021-meersuni kommunimit oqaatigineqarpoq, kommune isumaqar-toq qaammatini kingullerni, kommune isumaqarmat, A-mit tiiminut allatuivimmi kommunip paasinninnera malillugu, pisassanit annertunerusut allattorneqar-simasut. Tamatumani kommunip assersuutigivai ullut marluk, 12. aamma 24. oktober 2021.

16. december 2021-mi oqaloqatigiinnermi A illua´tungiusup isumaanik tusarniaassummik, ulloq taanna ullulorneqarsimasumik kommunimit tigusaqar-poq. Illua´tungiusup isumaanik tusarniaalluni allagaq, ulluni 9. aamma 15. december 2021-mi ataatsimiigiaqqusinnermi tusarniaanermi tunngavigineqartut assinginik oqaasertalorneqarsimalluni.

Suliamut allagaatini kommunimit uannut nassiunneqartuni, 24. november 2021-mi meeqqat angerlarsimaffianni tullersortip aamma INUIT-pisortap e-mailikkut allaqatigiinnerat ilanngunneqarpoq. Tassani takuneqarsinnaavoq, angerlarsimaf-fimmi misissueqqissaareernermi piffissami qaammatit marluk iluini ullut arfineq-marluk allanneqarsimasut, angerlarsimaffik isumaqarmat, A-mit tiiminut allattui-vimmi pisassanit annertunerusut, kommunip isumaa malillugu, allattorneqarsi-masutut.

Tamanna tunngavigalugu naliliinera unaavoq, illua ´tungiusup isumaanik tusarniaassummi ullut, kommunip isumaa malillugu tiiminut allattuivimmut tiimit A-p qaangiilluni allassimasai tamaasa kommunimit allanneqarsimasariaqaraluartut. Tassungalu atatillugu, isumaga malillugu kommunip ullut taakkua, kommunip isumaa malillugu, qaangiilluni allassimasat ullui tamaasa kommunimit uppersaatitut ilanngunneqarsimasussaagaluartut. Taamatuttaaq kommunip paasinni-nera malillugu, tiimit qassit pineqarnersut pillugit, kommunip A-mut erseqqissaa-vigisariaqaralarai.

Naliliinera aammattaaq unaavoq, peersitsiniarluni aalajangiissamaarnermut atatillugu uppersaatitut tunngavigineqartut, naammattunik A-mut ilisimatit-sissutigineqarsimangitsut. Taamaalilluni A peersinniarlugu aalajangiissamaar-nermut atatillugu, ullut allat sorliit kommunimit pingaartinneqarsimanersut pil-lugit tamakkiisumik paasisaqarnissaminik periarfissinneqarsimanani.

**5.1.3** Immikkoortoq 5.1.1-imi oqaatigineqartoq naapertorlugu naliliinera unaavoq, A-mik kommunip peersitsinera naalasseriitsuliornermik peqquteqartoq, taamaattumillu suliami pissusiviusut, illua ´tungiusumik tusarniaaneq annertusi-sanngorlugu, suliami inatsisikkut pissutsit aamma, pisortat oqartussaataata inatsisikkut piginnaasaat pissutsinut piviusunut kommunip ilanngussimasaria-qaralarai.

Allakkani tusarniaassutini 16. december 2021-meersuni erserpoq, suliat suliarineqartarnerat pillugu inatsimmi § 19 malillugu, kommunimit A pisinnaatin-neqarsimasoq oqaaseqaateqarsinnaanerminut.

Allakkani tusarniaassutigineqartuni, inatsisikkut suna tunngavigalugu A peersin-niarlugu aalajangiissamaarnersoq, kiisalu oqartussaasup inatsisikkut piginnaa-saat pissutsinut piviusunut tunngasut, allaaserinissimanermi imarisaani ilanngun-neqarsimaneranut takussutissaqanngilaq.

Taamaalillunga naliliivunga, A-p peersinneqarnera sioqqullugu, inatsisikkut aala-jangersagaanngitsoq annertusisamik tusarniaasussaataaneq naapertorlugu, kommune A-imik tusarniaaviginissimangitsoq.

**5.1.4.** Tusarniaassummi 16. december 2021-meersumit ilaatigut erserpoq:

“[...]

Misissuinerup inerneraa Kommune Qeqertaliup soraarsinneqarnissaq siunertaralugu tusarniaavigineqarnissat. Soraarsitsinermi maannaminngaaniit misissuinerup nalaani akissarsiaavit pigiinnarsimanerat unissooq 30. december 2021 kingullermik akissarsissallutit.

[...]”

Paasinninnera malillugu taamatut oqaasertaliineq paasineqarsinnaavoq, soraarsitsinissamik kommune aalajangeereersimasutut, aammalu aningaasarsiat 30. december 2021-mi unitsinneqartussatut. Taamatut oqaasertaliineq pinaveersaartinniartariaqarpoq.

Suliami allami 2016-5-1-imi isornartorsiuvunga, kommunip allakkani tusarniaassutini oqaasertalersuinermi atorsimasaani, kommune soraarsitsinissamik aalajangeereersimasutut paasineqarsinnaasoq.

**5.1.5.** Paasinninnera unaavoq, kommunimit illua´tungiusup isumaanik tusarniaanera, suliasat suliarineqartarnerat pillugu inatsimmi § 19-imut aamma inatsisikkut aalajangersagaanngitsumik annertusisamik tusarniaasussaataa-nermut naapertuutinngitsoq. Siullertut naliliinerivara, A-mik soraarsitsineq, paasinninnera malillugu, naalasseriitsuliorneq pissutigalugu soraarsitsinerusoq, taamaattumik kommune pisussaaffeqartoq A inatsisikkut aalajangersagaanngitsumik annertusisamik illua´tungiusup isumaanik tusarniaasussaataaneq malillugu tusarniaavigineqartariaqartoq.

Aappaatut naliliinerivara, kommunip 16. december 2021-mi allakkatigut illua´tungiusup isumaanik tusarniaassutimigut aalajangiisutut pingaartissimammagit ullut 12. aamma 24. oktober 2021. Kommunimit ullut arfineqmarluk tamakkerlugit, kommunip paasinninnera naapertorlugu, A-p piffissami qaammatit marluk ingerlaneranni tiiminik amerlanaraaluni allattuisarsimani paasissutissiissutigineqanngillat . Kommunip ullut 12. aamma 24. oktober 2021 saniatigut ullut sinneri pingaartimmagit, paasinninnera malillugu ullut taakkua erseqqissaavigineqarlutillu qularnarunnaarsinneqartussaapput allakkani tusarniaassutini kingornalu soraarsitsilluni aalajangiinermi.

Taamaaliornikkut A periarfissinneqanngilaq, ulluni pineqartuni nammineq piffisamik nalunaarsuinerminik saqqummiinissaminut.

Pingajuatut, kommunip oqaatigisimasussaava, inatsit suna tunngavigisimanelugu, A-mik peersitsiniarnermi atorneqarniarnersoq.

**5.1.6.** Naggataatigullu naliliinera unaavoq, kommunip periusersaa, kommunip aalajangiiniarnermi nalilersuinermini oqimaalutaanerani, illuatungiusup isumaanik tusarniaaneq pingaaruteqanngitsutut paasineqarsinnaammat.

Tamanna tunngavigalugu ataatsimut isigalugu naliliivunga, kommunip illua´tungiusup isumaanik tusarniaassutaa, annertusisamik illua´tungiusumik tusarniaanissap siunertaanut naammaginatsumik piviusumillu tamakkiisuunngitsoq, tassami A periarfissaqarsimanngilaq tamakkiisumik isiginninnissaminut, aamma immikkoortut isornartorsiutaasut kommunip peersitsinermik aalajangiissamaarnermik nalilersuinermini pingaartitai isummerfigissallugit periarfissaqarsimanngilaq.

## **5.2. Illua´tungiusumik tusarniaanerup amigarnerata inatsisitigut kingunerisaa**

A illua´tungiusup isumaanik tusarniaaffigineqarnerani, kommunimit ullut marluk oqaatigineqarput kommunimit aalajangiisutut pingaartinneqarsimasut.

Paasinninnera malillugu, kommunip illua´tungiusumik allakkatigut tusarniaassutaa naatsuararsumik oqaasertalersorneqarsimavoq. Kommunip paasinninnera malillugu A-p tiiminut allattuivimminut amerlanaaraluni allattuisimanagerani, kommunimit ullut sinneri innersuussutigineqanngillat. Tamannalu tunngavigalugu, kommunip isumaa malillugu A tiiminik amerlavallaartunik allattuisimanera pillugu, periarfissaqanngilaq oqaaseqaateqarnissaminut imaluunniit paatsuisoqarsimappat iluarsiiisutaasinnaasumik saqqummiussaqaarnissaminut.

Paasinninnera malillugu A, peersitsinissamik aalajangiissamaarneq tunngavigineqartutut atorneqarsimanersut pillugit, paasissutissat suut, kommunip pigisorerinrai, ilisimasaqarsimanissaa ilimagineqarsinnaanngilaq.

Tamanna tunngavigalugu naliliinerivara, paasissutissat tamaasa aamma suliami piviusut tunngavigalugit, kommunip A illua´tungiusup isumaanik tusarniaaffigisariaqaraluaraa. Taamaattumik naliliivunga illua´tungiusumik tusarniaaneq ingerlanneqarsimasoq pillugu kommune isummersussasoq tamatumalu kingunerisaa naliliiffigalugu.

### **5.3 Peersitsinissamik aalajangiinermi tunngavilersuutigineqartoq**

**5.3.1** Kommunip aalajangiinerani 30. december 2021-meersumi erserpoq, kommunip paasinninnera malillugu aamma alajangiisuusumik pingaartineqartoq, A qaammatini kingullerni, kommunip paasisinninnera malillugu, piviusumik pisassani sinnerlugit tiiminut allattuivimminut tiiminik amerlanaaraluni allattuisarsimasoq.

Aalajangiinermi taamaallaat kommunimit ullut marluk oqaatigineqarput, 12. aamma 24. oktober 2021.

Suliami allagaatinit erserpoq, piffissami qaammatit marluk ingerlaneranni ullut arfineq-marluk kommunimit allattorneqarsimasut, kommunip paasinninnera unaalluni, A tiiminik amerlavallaanik allattuisimasoq.

Taamatullu aamma illua´tungiusumut tusarniaassummi peersitsinermillu aalajangiissuteqarluni allakkani, kommunimit malittarisassaq aalajangiinermini tunngavigineqarniarnersoq pillugu, allakkat innersuussummik imaqaangillat.

Taamaattumik naliliivunga, suliasat suliarineqartarnerat pillugu inatsisip piomasqaatai naapertorlugit, aalajangiinermi naammattumik tamakkiisumillu tunngavilersuisoqarsimangitsoq.

**5.3.2** Aalajangiinermi 30. december 2021-meersumi A-p illua´tungiusup isumaanik tusarniaassummut akissutaanut 15. aamma 29. december 2021-meersunut, ilaatigut ulluni 12. aamma 24 oktober 2021-mi sulisimanginneraaneq pillugu, assortuineranut kommune isummersimangilaq. Tassani A allasimavoq, ulluni taakkunani taaneqartuni sulisimanini angerlarsimaffimmi sulisut

ilaannit uppersarsarneqarsinnaasoq. Naggataatigullu A-mit oqaatigineqarpoq, najugaqartut ilaata nalunaarsuiffianit (logbog) uppersarsarneqartoq, ullormi 24. oktober 2021 sulisimanini.

Oqaatigissavara, piviusoq assortuussutaappat, oqartussanit tunngavilersuutigineqartoq paasissutissiissutigineqartariaqartoq suliame pissutsit piviusut assortuussutigineqarnerat, saqqummiunneqartullu imminnut assortuuttut taallugit, oqaatigalugu oqartussanit pissutsit piviusut uppersarsaatitigut aalajangiinermi tunngavigineqarsimaneri. Tamatumunnga ilanngunneqassalluni, oqartussanit uppersarsaatit tunngavilersuutaasut oqaatigineqarlutik. Tamatumunnga atatil-lugu innersuussutigaa Folketingip Ombudsmandiata oqaaseqaatai FOB 2003 552, FOB 2007 525 aamma FOB 2015 19.

Imaattoqartillugu, aalajangiinermi ersersinneqarsimanngippat, uppersarsaatit piviusut suut tunngavigineqarsimanersut, tamanna tunngavilersorneqartariaqarpoq. Tamatumunnga atatil-lugu Folketingip Ombudsmandiata oqaaseqaataa FOB 2010 20-7 innersuussutigaa.

Tamanna tunngavigalugu paasinninnera unaavoq, kommunip 30. december 2021-mi aalajangiinermi, A-p illua'tungiusup isumaanik tusarniaanerup akissutaa tamakkiisumik isummerfigineqarsimanngitsoq, taamatullu paasissutissiissutigineqarsimanani tusarniaanermi akissutip tigusimaneranut qanoq kommu-ne isumaqarnersoq.

Kommunip 24. april 2023-mi uannut oqaaseqaatimi oqaatigivaa, ataatsimut nalilersuinermi A-p illua'tungiusup isumaanik tusarniaaffigineqarnerani akissutaa ilanngunneqarsimasoq, kisianni oqqaseqaatitai kommunip aalajangiinerani immikkut ersersinneqarsimanngitsut.

Paasinninnera malillugu tusarniaanermi akissutip tiguneqarsimasup tusaatissatuinnaq tiguneqarnera naammangilaq. Paasinninnera malillugu, paasissutissat tiguneqartut aalajangiinermi miniinnarneqarsinnaanngillat, aamma tamatumatunnga atatil-lugu kommunip naliliinera pillugu nassuiaateqartoqartariaqarpoq.

## 6. Inerniliineq

Isumaga unaavoq, suliap taassuma kommunimit suliarineqarnerani annertuumik kukkussuteqartoqarsimasoq. Tamanna isorisarialittut isumaqarfigaara.

Paasinninnera unaavoq, suliasat suliarineqartarnerat pillugu inatsisip § 19-ianut, aamma inatsisitigut aalajangersagaanngitsumut annertusisamik tusarniaasus-saatitaanermut naapertuutinngitsoq.

Tamatuma saniatigut isumaga unaavoq, kommunip aalajangiinera suliasat suliarineqartarnerat pillugu inatsisip § 22-ani, § 24-anilu piumasaqaataasunik tunngavilersuutinik ilaqanngitsoq.

Isumaga naapertorlugu kukkunerit taakkua ilaatigut kingunerivaat, illua'tungiusup isumaanik tusarniaanermi aammalu aalajangiineq suliamilu piviusumik tunngaviusoq ersarluttutut isikkoqalermata, taamaalillunilu suliaq taamatut inerreqalerluni.

Naggataatigullu imatut paasivara, kommunip illua'tungiusup isumaanik tusarniaanermi ima oqaasertalersuisimasoq, A isumaqalersillugu, illua'tungiusup isumaanik tusarniaassuteqarnerup nalaani A-p peersinneqarnissaa pillugu aalajangiisoqareersimasoq.

Tamanna tunngavigalugu inassutigaa, kommunimit suliaq qaqeqqinneqassasoq oqaaseqaatigisakkalu aallaavigalugit suliarineqassasoq.

Kommune qinnuigaara inassutigisama kommune qanoq iliuuseqarnissamut pissutissaqalersinneraa uannut nalunaarutigeqqullugu.

Allakkat ukua assilinerat B-mut nassiuppara.

Oqaaseqaat manna oqaaseqaammi pineqartut ilisarnarunnaarsillugit nittartak-

kanni tamanut saqqummiunneqarumaarpoq, 2025-milu ukiumoortumik  
nalunaarusianni ilanngunneqarumaarluni.

## **SULIAP INGERLANNEQARSIMANERA**

INUIT aqutsisuanit 23. november 2021-mi, [...] -mi tullersorti aamma [...] -mi immikkoortortaqrarfiup aqutsisua attaveqarpoq, apersuutigineqarlutik A-p aningaasarsiat allagartaani qaangiuttoornerit 62.5 tiimit allattorsimasai pillugit.

Tullersorti 24. november 2021-mi INUIT aqutsisuannut mailinik marlunnik nassitsivoq, angerlarsimafimmi immikkoortortaqrarfimmi aqutsisoq assilineranik ilanngunneqarluni. Maili siulleq imatut ersersitsivoq:

"[...]

Misissueqqissaarnitsinni ullorsiutit malillugit sulisinnaanani nalunaartarsimaneri nassarivagut tiimiilu misissornerani sulinngiffimmini tiimilersortarsimasoq takuarput. Annerpaamillu aamma tiimeqanngikkaluarluni qimmilerinermini tiiminik allattuisarsimavoq.

Ukua takussutissaapput ullorsiutini nalunaarfimmi:

3/9-2021 Sulinngilaq (Tiimini allaqqalluni tiimeqartoq)

26/9-2021 Sulinngilaq (Tiimini allaqqavoq 2 timer)

12/10-2021 Sulinngilaq (Tiimini allaqqavoq 12 timer) + Tilkald 4 timer

20/10-2021 Sulinngilaq (Tiimeqarsimalluni)

21/10-2021 Qimminut 4 timer atorneqarsimapput

23/10-2021 Timeqarnani (Tiimini allassimavoq 4 timer)

24/10-2021 Allaqqasoqanngilaq tiimissani (Tiimini allaqqavoq 9 timer)

A-p tiimiisa suliarineqarnerannut atatillugu nalinginnaasumik sapaatip akunneranut fritimitut 2 tiimit immikkoortinneqartarput, kisianni qimmilerinerminut atatillugu tiimilersorsimavoq.

Napparsimasoqartillugu oqarasuaatikkuut paarlattaanissamut aggersaanissat uppernarsarneqarsinnaanerit killeqarpoq. Eqqartuinermit arlaleriarluni aggersarneqarsimasutut isikkoqarpoq.

E-mailip aappaanit imatut ersersinneqarpoq:

" Isumaqatigiissuterput malillugu, sulisumut aalajangersimasumut tunngasut allattukkat ingerlateqqippaka.

[...]

### **- Tiiminut tunngasoq**

Maluginiarneqarsimasutut pineqarti q annertoorejussuarmik tiimeqartarsimavoq illunut 14-nut, ilaatigut annertuumik overtid-nik imaqartunik. Massakut tiimit tunniunneqartartuni uge 45-46 ersarippoq annertuumik aaqqitassanik allaqqasoqartoq. Pineqartoq arlaleriartuumik aqutsisuninngaanniik piumasffigineqartarsimavoq suliariorluni isernermini soraarlunilu

aninermini naqittaat (stempel) atortassagaa tiiminik suliaqarnermi taakku aallaavigi-  
neqartarmata. Pineqartullu tamanna piumasarineqartoq naammassisimangilaa ulloq  
manna tikillugu. Taamaattorli annertoorujussuarmik tiimeqarnini allattarsimallugit. Uanilu  
misissuinitisinni takusinnaalersimavarput eqqunngittumik imaqarnera, sulinnginnermini ki-  
isalu inortuilluni takkunnermini ingerlajaarnerminilu tiimini eqqortumik allattarsimangilai.  
(Pineqartoq aggersarlugu nassuiaanneqassaaq tiimit allattorsimasaai qanoq aaqqinneqassa-  
nersut tassanilu ersarissarneqaaqqissaaq naqittaammik atuisimanginnermini taama aaqqi-  
isoqartoq.) Suliamillu ingerlasoqarnerani eqqartuinitisinni inissinneqapajaartutuut suliap in-  
gerlanerani illuarallarneqarnissaa aalajagiunneqarluni. (qaammatit pingasut kingulliit misis-  
suiffigineqassammata).

Kommune Qeqertalimmi HR-chefi 24. november 2021-mi INUIT aqutsisuannut  
imatut oqaasertalimmik nassitsivoq:

“Saaffiginnissut HR-imit tiguarput. Suliamut tunngatillugu peqquserluttuliorsimasooq  
takuneqarsinnaavoq tamannalu kommune Qeqertaliup akuerinngilaa, taamaammat  
suliamik aallartitsinissassinnik siunnersorsinnaavatsigit, siullertut ingerlaannartumik  
angerlartinneqarnissaanik allaffigineqassaaq, takuuk ilanngussaq skabeloni immersor-  
neqassaaq inuttaanullu apuullugu. Misissuisoqareerpallu tamtuma kingorna parthøring  
med bortvisning ingerlanneqassalluni, ilannguppara skabelonitaa.

[...]”

A-p allakkatigut nalunaarfigivaanga, [...] -p aqutsisuinit 24. november 2021-mi  
attavigineqarsimalluni, ulloq taanna ataatsimiinnissamut aggersarneqarluni.

A napparsimammat, 25. november 2021 attavigineqaaqqippoq, tassani ataatsi-  
meeqatiginissaanut aggersagaalluni kingornalu suliunnaarsinneqarluni.

Ataatsimiinnermi kommunimit allakkat A-mut tunniunneqarput, makkua oqaati-  
gineqarlutik:

“Matumuuna nalunaarutigissavarput, akunnermusiassanut allattorsimastit kingulliit  
aallaavigalugit atsiugassaq atsiortussamut apuunneqarmat, paasinarsivoq tiimit  
allattorneqartarnerinut tunngasut kukkusumik allattorneqartarsimasut.

Paasisaqarnerup kinguneraa uagut sukumiinerusumik misissuisariaqalernippot,  
matumani tiimit qanoq pilertarsimanersut misissuiffigineqassallutik.

Tamanna tunngavigalugu nalunaarfigissavatsigit massakkumiit atuutilersumik  
atorfinniit pisussaajunnaarsitaagavit – massakkuugallartoq ullumikkuminngaaniit ullut  
14-ini tulliuttuni, ullumi 25. november 2021-miit 9. december 2021 ilanngullugu.

Qinnuigissavakkit matuersaatit, isissutit kommunip pigisai tunniuteqqullugit.

Sulinngiffeqarninni akissarsiatit nalinginnaasumik tunniunneqassapput.

Suliatigut peqatigiiffimmik ilaasortaaffeqaruit innersuutissavakkit attavegeqqullugu suliamut tunngatillugu.”

INUIT aqutsisuannut 25. november 2021 A e-mailimik nassitsivoq, tassani kisaatigiamiuk iluamik tunngavilersorneqassasoq, sooq sulinerminit peersitaanerluni. E-mailimit ilaatigut imatut allassimasoqarpoq:

“[...]

Allakkat atuarneranni paasinarsivoq ulluni 14-ni sulinngikkallassasunga suliamik mississuisoqarnera tunngavingalugu. Assut paattuunganarpoq sumik suliamik misissuisoqarnersoq? Nassuiaasoqarnanilu tunngavilersuisoqanngimmat.

[...]”

INUIT aqutsisuanit A-p 25. november 2021-mi saaffiginnissutaa pillugu akineqarpoq, ilaatigut oqaatigineqarluni:

“[...]

Allakkani tunniunneqartuni ima allassimasoqarpoq: “Matumuuna nalunaarutigis-savarput, akunnermusiassanut allattorsimasatit kingulliit aallaavigalugit atsiugassaq atsiortussamut apuunneqarmat, paasinarsivoq tiimit allattorneqarnerinut tunngasut kukkusumik allattorneqarsimasut”

Taannaavorlu suliamik misissuineramik aallartinneqartoq, ingerlanneqarneranilu ulluni 14-ni sulinngikkallassasutit. 9. december nallertinnagu qanoq aaliangertoqassanersoq tusartinneqarumaarputit, naluarput suli qanoq inerneqarumaarnersoq, kisiannili tiiminik eqqungittumik allattuisarsimanagerit tassani pineqarpoq, tamannalu misissorneqarpoq.

Tusarfigeqqikkumaarpatsigut misissuisoqareerpat.

[...]”

A 9. december 2021 nammineerluni kommunimut saaffiginnippoq, kommunimit tusagaqaqqissimanginnami, ullorlu taanna atsiukkamik allakkiamik tunniussil-luni:

“[...]

Naapertuutinnittumik pineqartutut misingaanga, pissutingalungu aamma:

- Oqaasiinnartingut aggersangaavunga.
- Allakkani tunngavilersorneqanngilaq suna pillungu angerlartinneqarallarlunga.
- Angerlartinneqarallarnissannik ilisimatinneqarama bisidderimik

ilangisaqarnissannik periarfissinneqanngilanga.

- 9. december 2021 nallertinnangu paasisaqassasunga allakkatingut ilisimatitsissutingineqarpoq, ullorlu taanna ulluliussaqa qaangiuppoq sulii paasisaqarnanga.

Assut nuanniippoq taamatut pineqarluni, naatsorsuutingereernikuuara time-t kingullit aaqiissuteqarfingineqassasut, tassani aqqitassakka aqqinnangillu atsiungassanngorlugit ingerlatinneqarsimangamik. Taamaattorli aamma paasitineqareerlunga, aaqiissuteqartoqarnissaa pissasoq. Tamannalu aamma soorunami naatsorsuutinginikuuara pissasoq, tassani inortuinikka marluk aaqiissuteqarfingineqartussaassangamik.

Siornatingullu aamma qaangiuttoornikka aningaasanngorlungit tingusarpakka, taakkulu tingunissaannut atsiortoqareertarmat soorunami aningaasanngorlungit suleqatittuulli tingusarpakka.

[...]"

A 9. december 2021-mi kommunimit sulinermut atatillugu oqaloqatigiinnissamut aggersarneqarpoq, tassannga erserpoq:

**"Aggersaassut tusarniaaneq soraaritsinissamik kinguneqartitsinissaq**

Tusarniaanermi tunngavilersuutaa:

Qaammardini kingullertigut suliffissaraluatit nalunaaquttap akunneranut qaangiinerit tiimit allattorsimaffiinut allattuisarsimanagerit aallaavigalugit misissuineq maannakkut ersarissarpaa tiiminut qaangeerujussuarlutit allattuisarsimanagerit assersuutigalugit makkuupput:

Marlunngornermi 12. oktober 2021 sulinngittutit tiimerni 16:00-miik 00:00 tungaanut 12 tiimi allanneqarsimavoq 4 time qaangiisutut naqillugu.

24. oktober 2021 tiimisarni allaqqasoqanngitsoq 9 time allassimavat 1 time overtime-lutit, ullullu allat qaangiingaatsiarlutit.

Aamma piunaffigineqarsimagaluarpuit aqutsisorniik naqittarnissat iseraangavit aammalu anigaangavit, kisianni atorussimangilat. Tamanna suliffimmut sumiginnaanertut Kommune Qeqertaliup isigivaa.

Aggersaat:

Ataasinngorneq 13. december 2021 nalunaaqutaq 13:00 kommune-p allaffiata ataatsimiittarfiani tusarniaaneq ingerlanneqassaaq. Piumaguit illit uppersaasussarnik ilaqarsinnaavutit, sulisutut sinniiserisinnaavat imaluunniit illit inuk ilagerusutat alla, aamma kisimiillutit takkussinnaavutit, periarfissaannapput uppersaasussat."

A 9. december 2021-mi aggersaanerup tigusimanagera uppersarlugu atsiorpoq.

Aggersaat tigoerelugu A 13. december 2021-mi INUIT aqutsisuannut illua 'tunngiusumik tusarniaanermut akissuteqarpoq, HR-konsulentimut aamma [...]i

immikkoortortaqruiup aqutsisua assilineranik ilanngullugu, taanna akineqanngilaq.

Illua ´tungiusumik tusarniaanermut akissummi ilaatigut ersersinneqarpoq:

”

[...]

**Uge 41-42-mi time-nut tunngasut:** (Aggersaassummi taakkartorneqartut).

- o 12/10-2021 sulinikuuvunga, time-llu suliffissat sioqqullungit allat suliar-tornikuullunga, suliar-tu-jaarninnut qimmilerisumik tutsiuttoqareernerani (nal: 10:00) qimmit pillungit suliar-tu-jaarnikuullunga.

**Takussutissaq:** angerlarsimaffiup ullorsiutaani allaqqasoq tallimangormat 10/12-2021 takuara.

- o Taamaattoq suliar-tu-jaarnera (qimmilerisut tutsiunneranni nal:10:00) time-nnut ilanngussimangilara.
- o Taanna aaqiissutingineqartariaqassooq, taamaallilluni 12/10-2021-mi sulisi-maninni time-t annertunerussallutik.
- o Takkutiaanera soorunami aamma time-qaatingissangakku.
- o Tassani tilkald ilannguppoq, sooruanmi aamma ilaasussaalluni suliar-torfissaq sio-qqullungu suliar-torama.
- o Kisiat quliniilli aamma time-t allassimassangaluarpakka tassangaanniilli qimmit isumangilerakkit.  
Qimmit ataaseq tingunngittuunngaq qimminut allanut akorutaasaqattaarmat time-ssaraluara allanut tunniunneqarallarnikuuvoq.
- o Fraværliste-mik 12/10-2021 (omstilling-mut) nassiussisoqarnerani sulisimasutut aamma nassiussisoqarsimasoq (10/12-2021) aperininni paasivara.
- 24/10-2021 sulisimanera aamma takussutissaqarpoq.
- o Taanna uppersarsarneqarsinnaavoq sullitat ilaanni logbog-imi aallaqqasoqarmat najungaqartut ilaat qimminut ilangerusukkaluaraannga itingartitaasimasut qim-mimik angisuumik pituussaaqqasoqarnera pissutingalungu.
- o Paasissutissat taanna aamma pissarsiaara 10/12-2021 angerlarsimaffimmut paasiniaaninni.

**Oqaatingerusutat allat:**

- Uge 45-46-mi overtid-t suli tunniunneqanngillat, taakku tingorusuppakka.
- o Kingullermik oorisininni aamma ilanngunneqarsimangimmata.
- Ullumikkut 13. december nal: 13:00 aggersaassut kinguartinneqartoq angerlarsi-maffimmi afdelingsleder-imit ilisimatitsissutingineqarpoq, tassunga ilanngullungu apeqqutingaara sulinngittoortitaasajaarnikkut ullulissat qaangiutereerneranni time-qaatingissaneringa, naak soorunami tamanna naatsorsuutingereeraluurlungu.
- o Time-nut annasaqaatingilikannut (9.december-imiit) tunngassutilinnut aamma suli paasitinneqannginnama, naatsorsuutingilluinnarparalu aamma taakku time-qaatingissallungit.
- o Angerlarsimaffimmi afdelingsleder-ip ullumikkut oqaluunnerani (13.december) ta-manna paasiniassallungu neriorsuutingaa.

Kommunimi napparsimasoqarnera pissutigalugu A 15. december 2021-mi suli-nermut atatillugu oqaloqatiginninnissamut nutaamik aggersarneqarpoq, illua ´tu-ngiusumik tusarniaanissami allakkiap tunniunneqarnissaanik siunertalimmik. Ataatsimiigiasulluni aggersaammit ilaatigut erserspoq:

**"Tusarniaassummik tunniussivigineqarnissat pissutigalugu ataatsimiinnis-samut aggersaassut.**

Matumuuna tusarniaassummik tunniussivigineqarnissat pissutigalugu ataatsimiinnis-samut aggersarneqarputit, sisamangorneq 16. december 2021, nal. 10.30 ataatsi-miinneq ingerlanneqassaaq Sullissiviup pisortaata allaffiani, tassani peqatigineqassaaq Immikkoortortami aqutsisoq [...].

Tusarniarneqarnissat tunngaveqarpoq: Misissuinerup inernerata takutikkaa qaamma-tini kingullertigut suliffissaraluatit nalunaaquttap akunneranut tiiminut qaangeerujus-suarlutit allattuisarsimanagerit assersuutigalugu ukua pisut marluk:

Marlunngornermi 12. oktober 2021 sulinngittutit tiimerni 16.00-miik 00.00 tungaanut 12 tiimi allanneqarsimavoq 4 tiimi qaangiisutut allallugu

24. oktober tiimissarni allaqqasoqanngitsoq 9 tiimi allassimavat 1 qaangiuttoornittut nalunaarlugu.[...]"

A 15. december 2021-mi allakkiani 13. december 2021-meersoq INUIT aqutsi-suanut nassiuteqqippaa, HR-konsulentimut, [...]llu aqutisua assilineranik ilan-ngullugu.

Sulinermut atatillugu oqaloqatigineqarnermi A illua ´tungiusumik tusarniaanermi allakkiamik tunineqarpoq, kommunimit oqaatigineqarpoq:

**"Tusarniaaneg: Tiimit allattorsimaffiannut tiimerinngisanik allattuisarsima-neq.**

Pissutsit pillugit siullermmertik misissuisoqassamat suliunnaartinneqarputit ullormiit 25. november 2021 ullormut 9. december 2021.

Misissuinerup inenera Kommune Qeqertaliup soraarsinneqarnissaq siunertaralugu tusarniaavigineqarnissat. Soraarsitsinermi maannaminngaanniit misissuinerup nalaani akissarsiaavit piginnarsimanagerit unissooq ulloq 30. december 2021 kingullermik akissarsissallutit.

**Pissutsit piviusut:**

Misissuinerup inernerata takutippaa qammataini kingullertigut suliffissaraluatit nalunaaquttap akunneranut tiiminut qaangeerujussuarlutit allattuisarsimanagerit assersuutigalugu ukua pisut marluk:

Marlunngornermi 12. oktober sulinngittutit tiimerni 16.00-imiik 00.00 tungaanut 12 tiimi allanneqarsimavoq 4 tiimi qaangiisutut naqillugit.

24. oktober 2021 tiimissarni allaqqasoqanngitsoq 9 tiimi allassimavat 1 qaangiut-toornertut nalunaarlugu.

Piumaffigineqarsimgaluarputit allatuulli suleqataasutut suliartorlutit iseraangavit anileraangavillu naqittarnissat, tamannali atorumasimangilaq. Aamma misissuinerup nalaani 10. december 2021 suliffimmut takkussimavutit, misissuinerlu ingerlammat tamanna pisussaasimangikkaluarpoq.

Pissutsit taamaattut Kommune Qeqertlimmit akuerineqarsinnaangillat sulinermilu atugassaritaasunik unioqqutitsinerullutik.

**Illuatungiliuttumik tusarniaaneq:**

Kommune Qeqertalik aalajangiilersinnagu, pisortat ingerlatineranni suliassat suliarineqartarnerat pillugu Inatsisartut inatsisaat nr. 8, 13. juni 1994-imeersup § 19-a naapertorlugu, pisinnaatitaavutit suliani taakkartukkanut oqaaseqaasiorsinnaatitaallutillu, kingusinnerpaamik allakap tiguneraniit ullut (14-it) qaangitsinnagit. Imaappoq oqaaseqaatit tunniuteriissavat kingusinnerpaamik (sisamanngorneq) ulloq 20. december 2021 nal. 12.00.

[...]"

A-p 29. december 2021 illua ´tungiliuttumut tusarniaanermi akissutini nassiuppa

A-p illua ´tungiliuttumut tusarniaanermi akissutimini ilaatigut makku oqaatigivai:

"[...]

- a. Allakkat imaanni takusinnaavara qulaatungaani allakkat nassiussanni nassuiaatinginikuusakka allannguuteqarsimangittut.
  - i. Uge 41-42-milu sulisimaninni time-ma allattorsimaffiat [...] -mik pissarsianni) qimmit pillungit takkutiaarnera ilanngutinngittoorsimallungu.
  - ii. Taanna aaqqiissuteqarfingineqarnissaa allakkanik nassiussininni ilanngunnikuu- ngaluarpara.
  - iii. Taamaattoq massakkumut suli aqqiissuteqarfingineqanngilaq.
  - iv. 10. december 2021 suliffinnut orningunnikuuvunga, ilumut uppenar- serusullungu 12.oktober aammalu 24.oktober sulisimallunga. Soorunami taamaaliorpunga nalunnginnakkumi ullut taakku suliffinginikuullungit, taamaat- tumillu allannikuuakka.
    1. Aamma sulisimanikka uppenarsarlungit [...] [...] -lu atsiorsimapput 25.oktober 2021.
    2. Taamaattorli ullaakkut qulinut qimmit pillungit saaffinginnittoqarnerani time-kka allanngittoorsimallungit, naak quliniik aallartittussaangaluartut.
    3. Suliartornissaralu sioqqullungu attavingineqarama soorunami tilkald-nngorpoq.

Kiisalu aamma ilanngunneqarsimalluni nalunaaquttap akunneranut qaangeerujus- suarlunga nalanunaaquttap akunneranut allattuerejussuartsimasunga, asser- suutillu marluk taaneqarlutik 12.oktober 2021 kiisalu 24.oktober 2021.

·Taakkulu time-ringakkit soorunami allaqqapput, aammalu sulisimanikka uppenar- sarneqarsimallutik [...] -mit [...] -millu.

· 10.december 2021 suliffinginikuungakkit soorunami uppenarsarniarlungit suliffinnut ullorsiutini takorusunnikuuakka, nalunnginnakkumi time-nni allaqqasut time-ralungit.

- o Taakkulu uppenarserusunnerani [...] -p [...] ilangaa, tasanilu erseqqissaatingaa aqutsisoqatiminik massakkut sulisoqanngimmat qaningisaringaminga suleqatimma ilaanik ilangisaqarluni.
- o [...] -p [...] peqatingalungu ullut taakku suliffingisimangikka uppenarsarpaat.

- o [...]mi ullorsiutini allaqqasoqarmat, najungartut ullorsiutaani allaqqasoqarmat, fraværliste-milu aamma allaqqasoqarluni.

Kommune-p Qeqertalik-up pissutsit taamaattut akuerisinnaangikkai allaqqasoq uanga aamma taamatut pineqarnera akuerinngilara, pissutingalungu:

· Ullut pineqartut 12.oktober aammalu 24.oktober suliffinginikuungakkit, allaallu time-t ikinaarlungit 12.oktober-imi allassimallutik.

- o [...]p ullorsiutaani 12.oktober allaqqasoqarpoq qimmilerisut tutsiussimasut ullaap tungaani, tutsiuttoqareerneranilu attavingineqarsimasunga. Aammalu ullormi tasani omstilling-mut kikkut sulisuunersut tullersorti [...] nassiussisimalluni.
- o Najungaqartullu logbog-nni allaqqasoqarluni najungaqartut ilaat meeqqat marluk qimminut ilaajumasimangaluarlutik itingartitaasimasut. Sooruanmi qimmimik pituussaaqqasoqartillungu meeqqanik ilangisaqarusunneq ajorpunga, meeqqat illersornissaat pingaartillungu siunertaralungulu.
- o Taakku uppernarsaatit takuneqarsimanerpat?

Soorunami assut sukataarpunga uppernarsaarussullungalu, nalunnginnakku ullut taakkortorneqartut suliffinginikuungakkit.

Suliap aallartinneraniilli naapertuutinnittumik pineqarpunga, tamannalu assut uannut sakkortuvoq, artornarpoq inuttullu assut nakkarnarluni. Pineqarnikka naapertuutinnittut qaavatingut naapertuutinnittumik pineqaqattaarlunga.

Allaangilaq suliffinniik peerniarlunga siunertarineqaannartoq, naak suliffinginikuusakka uppernarsaatissaqaraluartut.

Allaat aamma qaavatingut 30.december akissarsiakka unissasut allaqqareerlutik, taakkulu saniatingut mississuinerup ingerlanerani akissarsiakka pingiinnarsinnaangikka allaqqalluni.

### **Ilanngukkusutat:**

- Allakkat nassiunniukuusakka uppernarsaatit atorsinnaasut tingummiarpakka.
- Allangarsiarinikuusakka uppernarsaatit atorsinnaasut tingummiarpakka.
- Kopi uge 41-42-milu sulisimaninni time-kka, uppernarsarlutillu atsiorneqarsimasut tingummiarpakka.

Taakkulu naapertuutinnittumik pineqarninni suliaq ingerlaqqilissangaluarpat suliap ingerlaqqinnissaanut uppernarsaatit atussuakka.

### **Innersuussutit:**

- 12.oktober siusinaarlunga attavingineqarsimaninnut angerlarsimaffimmi ullorsiutit takunissaat.
- Omstilling-mut fraværliste-p nassiunneqarsimasumi sulisimanera uppernarsarlungu.
- 24.oktober-imi sulisimaninni najungaqartut ilaasa logbog-ni sulisimanera uppernarsarnissaa.

Kommune 30. december 2021 aalajangiissuteqarpoq, kommunimit oqaatigineqarluni:

**"Tusarniaareernerup kingorna aalajangiineq.**

Ulloq 16. december 2021 allakkanik tusarniaassutinik tunineqarputit. Tusarniaas-summut oqaaseqarnissannut piffissaliussap iluani Kommune Qeqertalik oqaaseqaammik ulloq 29. december 2021 tigusaqarpoq. Kommune Qeqertalik Kommuniata suliami paasissutisist pigineqartut illillu akissutit nalilersoreerlugit suliami inerniliinermik tusartissavaatit.

**Inerniliineq.**

Kommune Qeqertalik suliaq inatsisit tunngavigalugit nalilersoreerlugu aaliangerpoq 16. december 2021 tusariaanermi aaliangiussa q aaliangiusimaannarnissaa, tassa soraarsiitsinermik siunertaasoq.

**Tunngavilersuut: (§§ 22 aamma 24 i sagsbehandlingsloven)**

Piffissami 25 november – 09. december 2021 Misissuereerneramik erseqqissarpara qaammatini kingullertigut suliffissaraluatit nalunaaquttap akunneranut tiiminut qaangeerujussuarlutit allattuisarsimanerit. Aammalu suliertunngittooraluaraanga-villuunniit tiimilersortarsimanerit ullullu ilaat uku taaneqartut assersuutit:

Marlunngorneq 12. oktober 2021 takkutinngittorlutit tiimerni allaqqalluni 12 tiimi allanneqarsimavoq 4 tiimi qaangiisutut allallugu.

Sapaammi 24. oktober 2021 tiimissarni allaqqasoqanngottoq 9 tiimi allassimavat 1 tiimi qaangiisutut nalunaarutigalugu.

Suliaq suli ingerlasoq tallimanngornermi 10. december 2021 angerlarsimaffimmut orniguttussaanak ornigussimanerit uppernarsaasiorartorsimanerit aamma akuerine-qanngilaq. Kikkut sulisimaneri paasissutissat Log bog – miittut allannngortinneqar-simaneri ulloq taanna aamma pisimapput.

Aammalu piunaffigineqartarsimangaluarnert aqutsisorisarniik isernermi aninermilu naqittaa atortassagit tamannalu imaappoq aqutsisorisamiik piunaffigineqarneq malikkusussimanagu, tamannalu suliffimmik sumiginnaanertut annertuutut isigaarput, suliffimmik annertuumik sumiginnaaneq Kommune Qeqertaqlik akuerisinnaangil-luinnarpaa, tamatumanilu ulloq 30. december 2021 soraarsitsinermik kinguneqartin-neqarluni.

Suliffigisimasarnut matuersaatinik allanilluunniit suliffimmut attuumassutilinnik tigum-misaqaruit inussiarnersumik qinnuigivatsigit taakkua, angerlarsimaffimmut tunniuteq-qullugit.

Inerniliineq manna oqartussaasunut naammagittaalliutigineqarsinnaanngilaq.

[...]"

B 15. december 2022-mi ernini A sinnerlugu soraarsitsineq pillugu uannut naam-magittaalliuteqarpoq.

Kommune 5. januar 2023-mi noqqaaffigivara suliami allagaatit tamakkerlugit nassiuteqqullugit, ilanngullugit angerlarsimaffimmi nalunaarsuilluni allattat A-p soraarsitaanissaanut tunngasut. Suliami allagaatit 10. januar 2023-mi tiguakka.

Kommune 15. marts 2023-mi noqqaaffigaara suliamut oqaaseqaasioqqullugu. Ilaatigut makkua oqaatigaakka:

"[...]

### **1. Suliunnaarsitsineq**

**1.1.** Suliami allagaatinit ersersoq A piffissanik suliffiusunik allattuiffiit tunniunneqartut tunngavigalugit 24. november 2021-mi attaveqarfigineqarsimasoq, ataatsimiinnermut 25. november 2021-mi ingerlanneqartussamut aggeqquneqarnissaa siunertaralugu. A tamatuma kingornatigut suliunnaarsinneqarpoq.

A sulinermut atatillugu 16. december 2021-mi oqaloqatigineqarpoq, tassanilu peersitaasimaneq pillugu suliami illua´tungiusup isumaanik tusarniaalluni allakkat tigullugit. Kommune Qeqertalik 30. december 2021-mi aalajangiivoq, A-lu peersillugu. Kommunip aalajangiinermi oqaatigaa A-p nalunaaquttap akunnerinik suliffiusunik allattuiffimmi nalunaaquttap akunneri amerlavallaat qaammagini kingullerni allattarsimagai. Tassani ullut 12. oktober 2021 aamma 24. oktober 2021 assersuutitut marluttut taaneqarsimapput.

[...]

### **2. A-p illuatungiusup isumaanik tusarniaanermut akissutaa**

**2.1.** Suliami allagaatinit erserpoq ulluni 12. oktober 2021-mi aamma 24. oktober 2021-mi Kommune Qeqertaliup aalajangiinermi 30. december 2021-meersumi immikkut pingaartillugit isiginiarsimasaani sulisimanini A-p 15. december 2021-mi aamma 29. december 2021-mi nassuiarsimagai.

A-p tassani oqaatigaa nalunaaquttap akunneri taaneqartut [...] -mi pisortaqatigiinit uppersarneqarsimasut akuerineqarsimasullu. [...]

[...] -lli oqaaseqaatai suliami illua´tungiusup isumaanik tusarniaanermi allakkani 16. december 2021-meersuni aamma Kommune Qeqertallip aalajangiinerani 30. december 2021-meersumi ilaanngitsut takuneqarsinnaavoq.

**2.2.** Nalinginnaasumik naatsorsuutigineqarpoq paasissutissat akerliliissutillu suliami illua´tungiusup saqqummiussai oqartussaasup pisumi isummerfigissagai.

Oqaaseqaat 2009-5.4 nittartakkanni atuarneqarsinnaasoq tamatumunnga atatilugu ilaatigut innersuussutigaara. Oqaaseqaammi immikkoortumit 4-mit ilaatigut erserput:

"Taamaalilluni A-p kommunillu suliami pissusiviusunik saqqummiussineri imminnut naapertuutinngillat.

[...]

Suliami paasissutissat assortuussutigineqarpata § 24, imm. 2-mi tunngavilersuisus-saatitaaneq pillugu aalajangersakkami ilaavoq paasissutissat pigineqartut ilaat sorliit suliap aalajangiivigineqarnerani pingaartillugit isiginiarneqarsimanerat oqartussaasup erseqqinnerusumik nassuiassagaa.

Taamaattumik isumaqarpunga kommune aalajangiinermi piffissat suliffiusut pillugit malittarisassat pikkorissarnermi peqataanissamut akornutaanerannik A-p atortussaatisiniarnera kommunip soq isiginiarsimannigikkaa nassuiaateqannginnermigut ajuusaar-nartumik kukkussuteqarsimasoq."

**2.3.** Kommune Qeqertalik qinnuigaara paasissutissat A-mit tiguneqartut kommunip paasinninnera malillugu kommunimit isummerfigineqarsimasut kommunip paasin-ninnerineraa isummerfigeqqullugu.

Kommune tamatumunnga peqatigitillugu qinnuigaara paasissutissat tiguneqartut kommunip inaarutaasumik aalajangiinerani ilanngunneqarsimanniginnerannut pis-sutaasoq paasissutissiissutigeqqullugu.

**3.** Nalunaaquttap akunnerisa allanneqarsimasut amerlassusiat

**3.1.** Suliami illua´tungiusup isumaanik tusarniaalluni allakkanit 16. december 2021-meersunit aamma aalajangiinermi 30. december 2021-meersunit erserpoq kommunip paasinninnera unaasoq pingaartillugu isiginiaraa A piffissanik suliffiusimasunik allattuiffimmi piffissap sivisunerusup ingerlanerani nalunaaquttap akunnerinik amerlavallaanik allattuisarsimasoq.

Ullut 12. oktober 2021-p aamma 24. oktober 2021-p saniatigut ulluni suni nalunaaquttap akunnerinik amerlavallaanik allattuisoqartarsimasoq kommune aamma isumaqarnersoq suliami illua´tungiusup isumaanik tusarniaalluni allakkanit 16. december 2021-meersuni aalajangiinermiluunniit 30. december 2021-meer-sumi takuneqarsinnaanngilaq.

**3.2.** Tunngavilersuisarneq pillugu malittarisassat suliarineqartarnerat pillugu inatsimmi §§-ini 22-mit 24-miipput. § 24-mit ilaatigut makku erserput:

"Aalajangiinermut tunngaviusumik nalunaarummi innersuussutigineqassapput inatsisni maleruaqqusat aalajangiinermi tunngavigineqartut. Maleruaqqusat tamakku malillugit aalajangiineq oqartussaasuni sulisut isumaannik tunngaveqarpat tunngaviusumik nalunaarummi taaneqassapputtaaq pissutaasut pingaarnerusut isummat taakkua atornerarannut aalajangiisuunersut.

Imm. 2 Tunngaviusumik nalunaarummi pisariaqarpat naatsumik erseqqissar-neqassapputtaaq paasissutissat suliami pissusiviusunut tunngasut aalajangiinermi annertuumik pingaartinneqartut."

**3.3.** Kommune Qeqertalik qinnuigaara ullut pineqartut marluinnaat taaneqarsimammata kommunip paasinninnera malillugu A ullut suut nalunaaquttap akunnerinik amerlavallaanik allattuisimanerani isummerfiginnissimasinnaasi-masoq kommune isumaqarnersoq paasissutissiissutigeqqullugu.

Kommune tassani qinnuigaara suliami pissusiviusut aalajangiinermi pingaartillugit isiginiarneqarsimasut pillugit paasissutissat pisariaqartut kommunip nassuiarsi-magai kommunip paasinninnerineraa paasissutissiissutigeqqullugu.

Qulaani taaneqartunit ersertutut A-p nassuiarlugu oqaatigisimavaa 12. oktober 2021-mi aamma 24. oktober 2021-mi sulisimalluni, nalunaaquttallu akunneri taakku paaqqinniffiup pisortaqtigiivisa uppernarsarsimagaat.

**3.4.** Kiisalu Kommune Qeqertalik qinnuigaara A piffissanik suliffiusimasunik allattuiffimmi ulluni suni nalunaaquttap akunnerinik amerlavallaanik allattuisimasutut kommunip isigineraa paasissutissiissutigeqqullugu.

**4.** Suliami illua´tungiusup isumaanik tusarniaanissamat annertusisamik pisussaaffeqarneq pillugu inatsisikkut aalajangersagaanngitsumik tunngavik

**4.1.** Suliami allagaatinik erserpoq Kommune Qeqertallip A suliami illua´tungiusup isumaanik tusarniaalluni allakkanik 16. december 2021-mi tunisimagaa. Suliami illua´tungiusup isumaanik tusarniaalluni allakkanik erserpoq kommunip A oqaseqaammik suliassat suliarineqartarnerat pillugu inatsimmi § 19 tunngavigalugu saqqummiussisinnaatikkaa.

Suliami illua´tungiusup isumaanik tusarniaalluni allakkat Kommune Qeqertallip A-mik inatsiseqartitsinikkut suna tunngavigalugu peersitsissamaarnerata allaaserineqarneranik imaqqanngitsut takuneqarsinnaavoq.

**4.2.** Nalinginnaasumik naatsorsuutigineqarpoq sulinermut atatillugu qisuariaatit, soorlu peersitsineq naalasseriitsuliornerluunniit pissutigalugu pineqaatissiissutit allat, tassaasut suliassat suliarineqartarnerat pillugu inatsimmi aalajangiinermik oqartarnertut aalajangiinerit. Tamatuma suliassat suliarineqartarnerat pillugu inatsimmi suliami illua´tungiusup isumaanik tusarniaasarneq pillugu malittarisassat atuunnerat nassataraa.

Periaaseq aalajangersimasoq malillugu atorfimmi naalasseriitsuliornermut pineqaatissiisarnertit, matumani mianersoqqusinerit ilanngullugit eqqarsaatigalugit, pillugit suliani suliami illua´tungiusup isumaanik sukumiisumik tusarniaanissamat pisussaaffeqarneq pillugu tunngavigisassamik inatsisitigut aalajangigaanngitsumik atuuttoqarpoq. Suliami illua´tungiusup isumaanik tusarniaanissamat annertusisamik pisussaaffeqarnerup taassuma nassataraa oqartussaasut – suliassat suliarineqartarnerat pillugu inatsimmi § 19-imik malinnittussaanerup saniatigut – inatsisitungaatigut pissutigineqartunut uppersaatinullu, oqartussaasut isumaat malillugu pineqaatissiinerup nalunaarutigineqarnissaanut tapersiutaasunut nassuiaateqassasut. Aammattaaq sulisoq oqartussaasup atorfimmi naalasseriitsuliornermut pineqaatissiissummik taassumunnga nalunaaruteqarumanerminut tunngavilersuutaannut oqaseqaammik saqqummiussinissaminut periarfissinneqassaaq. Suliaq 1999-32.1 199-imi ukiumoortumik nalunaarutinni ilanngunneqartooq tamatumunnga atatillugu innersuussutigaa.

**4.3.** Kommune Qeqertalik qinnuigaara suliami illua´tungiusup isumaanik tusarniaalluni allakkat aalajangiinerlu suliani naalasseriitsuliorneq pissutigalugu pineqaatissiisarnertut tunngasuni suliami illua´tungiusup isumaanik tusarniaanissamat annertusisamik pisussaaffeqarneq pillugu tunngavimmik inatsisikkut aalajangersagaanngitsumik eqqortitsisuunersut isummerfigeqqullugu.

[...]"

Suliamut ilassutitut allagaatinik 17. april 2023-mi tigusaqarpunga, ilaatinneqarlutik A-p soraarsitaaneranut allakkat, illuatungiusup isumaanik tusarniaanermi allakkat kiisalu A-p mailikkut allaqatigineqarnera.

Kommunip oqaaseqaataa 24. april 2023-meersoq e-mailikkut tiguara. Kommunip oqaateqaatimi 24. april 2023-meersumi ilaatigut oqaatigivaa:

”Immikkoortunut akissut:

[...]

### **Imm 2.1/2.2/2.3/**

Aalajangiilluni allakkiami 30. december 2021-meersumi allaqqavoq suliamut tunngatillugu oqaaseqaatinik pissarsisoqartarsimasoq.

Taamatuttaa illua'tungiliuttumut tusarniaalluni allakkanut 16 december 2021-meersunut A-p oqaaseqaatai pissarsiarineqarsimapput. Paasissutissat pissarsiarineqarsimasut ataatsimoortumik naliliinermi ilanngunneqarsimapput allakkatigoortumilli aalajangiinermi immikkut ersaritsinneqaratik.

Allagaqaatini 12. oktober aamma 24. oktober 2021 ullulernerqarsimasuni suliar-toqqusaasimanermut akunnerit allanneqarsimapput, taakkulu tullersortimit immikkoortortamilu aqutsisumit atsiorneqarsimallutik 25. oktober 2021 akissarsialerivimmullu ingerlateqqinneqarsimallutik.

Akunnerit pineqartut tullersortip immikkoortortamilu aqutsisup taakkorpiaallutik akunnermusiassat sapaatip akunnerinut 45-46-mullu tunngasut pillugit suliap 23. november 2021 aallartinnerani erseqqissaatigaat akunnerit pineqartut A-p oqaaseqaataanut/akunnermusiassanik allattuiffimmut allassimasaanut naleqqiullugit eqquutinngitsut erseqqissaatigaat. Aaqqiagiinngissutaasut taakkua A-mut paasissutissiissutigineqarnikuupput.

Immikkoortortami aqutsisoq tullersortilu malillugit A 24 oktober 2021 sulisimangilaq. Taamatuttaa 12. oktober 2021 sulisimanani. Ullut pineqartut taakku [...] -ni allattorlugit nalunaarsuiffimmi sulisut sinnerinut asiarluni angalaarfiusutut allanneqarsimapput, aammalu pineqartoq nalunaarsuiffimmi ilanngunneqarsimanani. 12. oktober 2021 illua'tungiliuttoq/forstander sulisut takkunnerinik nalunaarsuiffimmi allassimavoq A sulinngitsaq.

### **Imm.4**

Aap, illua'tungiliuttumut tusarniaassutininik allagaqarpoq kiisalu aalajangiisoqarsimalluni. [...]"

[...]"

Ilassutitut oqaaseqaammik 29. juni 2023-mi noqqaassuteqarpunga, kommunip oqaaseqaataa tamakkiisuunngitsutut isikkoqarmat.

Kommunip ilassutitut oqaaseqaataa 25. juli 2023-mi tiguara. Ilassutitut oqaaseqaat aamma 24. april 2023-mik ulluligaavoq. Kommunip oqaaseqaatimi ilaatigut oqaatigivaa:

" [...]

Immikkoortunut akissutit:

### **Imm. 3**

Allagaqaatini 12 okt aamma 24 okt 2021 ullulernerqarsimasuni suliartoqqusaa-simanermut akunnerit allanneqarsimapput, taakkulu tullersortimit aqutsisumillu atsiorneqarsimallutik 25. oktober 2021 akissarsialerivimmullu ingerlateqqinneqarsimallutik. Akunnerit pineqartut tullersortip aqutsisullu taakkorpiaasut suliamik misissuereernermi erseqqissaatigaat akunnerit pineqartut A-p oqaaseqaataanut/akunnermusiassanik allattuiffimmut allassimasaanut naleqqiullugit eqquutinngitsut paasinarsisimasoq akunnermusiassat sap. ak. 45-46 tunngasut 23 nov.21 suliarinerisa aallartinnerani.

A ullut pineqartut pillugit ilisimatinneqarpoq.

Aqutsisoq tullersortilu malillugit A 24 okt. 21 sulisimanngilaq, tassa [...] sulisullu ilaat asiartutik angalaarsimammata, kiisalu 12. okt aamma sulisimanngilaq [...] -ni sulisut takkunnerinik nalunaarsuiffimmi takkussimasutut allanneqarsimannginnami. 12. okt. 2021 illua'tungiliuttoq/forstander sulisut takkunnerinik nalunaarsuiffimmi allassimammata A sulinngitsoq.

[...]"

Kommunip oqaaseqaata 24. april 2023-meersoq pillugu A-p isumaanik tusarniaallunga 18. august 2023-mi nassiuppara, taannalu pillugu oqaaseqaammik tigusaqarlunga, taanna paasisutissanik, kommunip illua'tungiusup isumaanik tusarniaaneranut atatillugu akissutigereersimasaasa saniatigut allanik imaqqanngilaq.